

Na osnovu člana 90. Zakona o javnim nabavkama BiH („Službeni glasnik BiH" broj 39/14.), a u skladu sa Odlukom dekana Građevinskog fakulteta Univerziteta u Sarajevu o direktnom sporazumu sa ponuđačem za pružanje usluga instaliranja računala i uredske opreme broj: 04-1-42-17-5/18. od 24.04. 2018. godine,

Građevinski fakultet Univerziteta u Sarajevu, Ul. Patriotske lige broj 30, kojeg zastupa prof. dr. Mustafa Hrasnica, dipl. inž. građ. dekan (u daljem tekstu: Naručilac usluga)

i
“VEGOS” d.o.o. Sarajevo, ul. Patriotske lige br.30/I, kojeg zastupa director Goran Selimović, građ.inž. (u daljem tekstu: Izvršilac usluga)

zaključuju

UGOVOR **o pružanju usluga instaliranja računala i uredske opreme**

PREDMET UGOVORA

Član 1.

Predmet ovog Ugovora je pružanje usluga instaliranja računala i uredske opreme za Građevinski fakultet Univerziteta u Sarajevu u 2018. godini, prema Odluci o pokretanju postupka javne nabavke putem direktnog sporazuma usluga instaliranja računala i uredske opreme (u Planu javnih nabavki za 2018. godinu evidentirane pod Usluge – 9 - Usluge instaliranja računala i uredske opreme, JRJN 51600000-8), broj: 04-1-42-17-1/18 od 04.04.2018. godine i Ponude firme “Vegos” d.o.o. Sarajevo br. 052/18 od 06.04.2018. godine, evidentirana kod ugovornog organa pod brojem: 04-1-42-17-3/18 od 06.04.2018. godine, koje su sastavni dio ovog ugovora.

Član 2.

Usluga instaliranja računala i uredske opreme, odnosno usluge održavanja i instaliranje programa na 22 računara, interaktivni whiteboard i software za kolaboraciju – NetSupport School u učionici 207 u zgradi Građevinskog fakulteta Univerziteta u Sarajevu, obuhvata sljedeće usluge:

- godišnja licenca za održavanje software za kolaboraciju – NetSupport School (25 korisnika);
- preventivno održavanje i redovni update interaktivnog whiteboarda (RICOH D65);
- preventivno održavanje i update postojećih licenciranih operativnih sistema na računarima;
- vrijeme odziva 24 sata.

Član 3.

Mjesto izvršenja usluge instaliranja računala i uredske opreme je u sjedištu Naručioca usluga u ul. Patriotske lige broj 30, Sarajevo.

Član 4.

Ukupna cijena za predmetne usluge iznosi 3.640,00 KM (bez PDV), odnosno 4258,80 KM (sa PDV) i utvrđena je na bazi ponude iz člana 1. ovog ugovora. Jedinična cijena je fiksna. Plaćanje se vrši na osnovu jednakih mjesečno ispostavljenih računa/faktura. Plaćanje najkasnije u roku od 30 dana od dana ispostavljanja fakture.

Član 5.

Izvršilac usluga se obavezuje da će usluge navedene u članu 2. ovog ugovora obavljati savjesno, stručno i kvalitetno, u skladu sa zahtjevima Naručioca usluga, odredbama ovog ugovora, te

zakonskim propisima i pravilima struke. U slučaju neadekvatnog obavljanja ugovorenih usluga od strane osoblja Izvršioaca usluga, Naručilac usluge ima pravo zatražiti drugu osobu na tim poslovima, a Izvršilac usluge se obavezuje tom zahtjevu odmah udovoljiti.

Član 6.

Ugovorne strane mogu sporazumno otkazati ovaj ugovor, a svaka ugovorna strana može jednostrano otkazati ovaj ugovor uz otkazni rok od 30 dana od dana primitka otkaza. Otkaz se daje u pisanom obliku i predaje se drugoj strani neposredno uz potpis ili poštom preporučeno.

U slučaju jednostranog otkaza, Izvršilac usluge ima pravo naplatiti obavljene usluge instaliranja računala i uredske opreme do dana isteka otkaznog roka.

Član 7.

Za sve što nije regulisano ovim ugovorom, primjenjivaće se odgovarajuće odredbe Zakona o obligacionim odnosima, a eventualni sporovi rješavat će se sporazumno. Ukoliko sporazumno rješenje nije moguće, nadležan je sud u Sarajevu.

Član 8.

Sve eventualne izmjene i dopune ovog ugovora, ugovorne strane će dogovarati, uz obaveznu pismenu saglasnost ugovornih strana.

Član 9.

Dobavljač nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi dokumentacije za javnu nabavku ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 10.

Ugovorne strane prihvaćaju prava i obaveze iz ovog ugovora što potvrđuju svojim potpisom. Sve eventualne sporove po ovom Ugovoru ugovorne strane će rješavati sporazumno, a u protivnom nadležan je Sud u Sarajevu.

Član 11.

Ovaj ugovor je sačinjen u četiri (4) istovjetna primjerka, od kojih svaka ugovorna strana zadržava po dva (2).

NARUČILAC USLUGA

Građevinski fakultet Univerziteta u Sarajevu

DEKAN

Prof.dr.Mustafa Hrasnica dipl.inž.grad



Broj: 04-1-42-17-6/18.
Sarajevo, 26.04.2018.

IZVRŠILAC USLUGA

"Vegos" d.o.o. Sarajevo



Direktor

Goran Selimović, inž.grad.

Broj: 060/18
Sarajevo, 26-04-2018